

國朝名臣錄

前二

尹祥

朴安信 貞肅

尹淮 文度

南智 忠簡宜城

許誠 恭簡

朴堧

魚慶甲

鄭陟 恭戴

安止 文靖



金鉤 文長
金泮 松亭 金末

鄭甲孫 貞節

崔致雲

國朝名臣言行錄前集卷之三

黃 喜 翼成公



字懼夫初名壽老號瓦村長水人至正癸卯生高麗
恭讓王己巳登第入戒 朝歷代言叅知議政府事
出按平安江原二道再長柏府三掌銓注歷判六曹
世宗朝拜相至領議政 文宗壬申卒年九十配
享 世宗廟庭

公在麗季為積城訓導自積城向松京路遇一老翁牽兩
牛一黃一黑者而畊焉方脫耒耜息於林樾之下公亦
休馬於其側與翁相語問曰翁之兩牛皆肥大壯實其

耕治之力亦無優劣乎翁趨進附耳低轂而答曰某名
者優而某色者劣矣公曰翁何畏懼於牛而如是隱語
乎翁曰甚矣爾之年少而未有聞也畜物雖不通人語
人言之善惡則皆知之若聞以已為劣而不及於他則
心之不平豈異於人乎甚矣爾之年少而未有聞也公
聞之不覺瞿然其平生謙厚之量自翁之一語而成龐
氏之將以君子之隱於畊稼者翁其一也

松窩雜記

定宗問知申事朴錫命誰能代君任喉舌者錫命曰承樞

都事黃喜真可人也上遂用之

日月錄

獻陵廢世子讓寧時引八大臣以其事語之黃喜李稷暨

執不可左徙俄謫于外凡六年柳迂顯獨贊其議獻

陵一日命召黃喜喜戴桶高頂笠子穿碧色鹿布團領

帶藍條兜諸承政院喜方自田野而至形類瓦然而已

人未甚奇之獻廟曰喜前日適誤耳此人終不可棄

為國不可無此人即拜禮曹判書

謾聞錄

公謫在南原七年閉門端坐不接賓客手執韻書一帙凝

神注目而已後雖牽高於字書音義偏傍點畫百不一

失

筆苑雜記

江原道飢上憂之特命公為監司悉心賑救荒政得宜

民無捐瘠上嘉之陞榮政判石軍府事仍監司公嘗

憇蔚珮臨海之岡既去氏爰慕之就等臺名之曰召公臺

公內寬弘無圭角遇上下一以禮其議國事善守前規不

喜改易

世宗卽位首入為相

護聞
瑣錄

初

上遣朴好問朴享茂于李滿任沈訖納林哈刺處審

察八寇情偽及種類多少山川險夷道理遐邇至是來

復命

上引見密問野人報息好問歷陳道理迂直山

川陰夷部落多少且言前到野人部落觀其勢皆空家

登山今欲誘之安業掩其不意而擊之且大軍涉江時

江流甚駛不可為浮橋上得好問之計尤決意討之召

政府六曹及三軍都鎮撫以好問之言議之黃喜曰所
獲不償所失勞而無功貽笑彼賊乞依前日獻策令都
節使制責還被虜人口牛馬家財如其不從宣言致討
使之知惧不得安土畊耘而遠遁則名正言順直在戒
矣知不得已必待合冰上曰當用四月草長時不可
違也黃喜等曰浮橋事不知水勢悍急艤橋便否而遙
度實難令將帥或艤或橋從宜造之上又曰古人用兵
皆有反間以觀勢予欲密遣人脩知彼人情狀然後討
之黃喜等曰古之用反間也衣食無異語音相同雖混
處而莫之知也本國之與野人言語服食絕不相類且

人物不夥似難混跡若果見獲祗益為害矣

並青坡
劇談

左議政黃喜丁母憂不出其代過數朔起復喜拜之時

世子將朝京欲以喜隨行也喜上箋懇辭至再不許及

天朝勅世子不必入覲又控辭曰世子既不朝

覲且國家無事請終三年英廟以大臣起復祖宗

成憲不允仍傳曰古者六十雖在衰服猶許食肉令

黃喜既已起復年踰六十豈可素食而行之乎予欲親

見開素而適氣不平政院招而勸肉喜詣賓廳知申事

鄭欽之傳上旨勸肉喜頓首曰臣時無疾病豈敢食

肉乎請善啓欽之對以不敢於是稽顙笑泣開素

憲府劾左議故黃喜欲緩監收官太石均之罪請於臺官
享審之子伯堅使圖之請罷黜以杜請托枉法之漸
英廟荅曰大臣不可輕罪後允之罷喜職而不出其代
翌年復除之諫院上封章略曰黃喜曾為議政不顧大
體私於所厚請托憲府只罷其職是喜之大幸也又請
受交河屯田與古之去織婦拔園葵者遠矣曾未踰年
遽置百官之首偃然受之恬不為愧請罷之 荅曰凡
事是非間無隱盡陳予甚嘉之然調元大臣不可聽爾
等之言輕易拒絕

司諫院論領議故黃喜請田于交河守以為農莊不宜在

百僚之上上不允謂安康善曰喜圖政大臣且太宗所信任予豈忍輕絕太宗嘗謂予曰讓寧之為世子具宗秀之徒依阿多行不義使讓寧失道問於喜曰處之何如喜曰世子年少所失不過鷹犬當時謂喜為中立觀慶以今患之喜實無罰太宗又引史冊事解之因泣下言猶在耳予何從新進諫臣言絕之耶

宣德辛亥冬至賀禮時領議政黃喜於陞闕禮則入參而本朝賀禮則以病不入憲府招通禮門令史問其故令史對以實憲府答其令史政府遣舍人啓之曰通禮問令史無預焉而受答且政府百官之長堂上進退告

于憲府固無前例今乃受辱慚愧實多 傳曰憲府處
置實為未安下司諫院推考

英廟嘗召領議政黃喜判中樞府事許稠議視學試取次
茅喜等啓曰為試取視學則不合於古制而視學為輕
傳曰卿等之言宜矣

丙辰 英廟傳于政府曰古有四時之田以講武除害此
先王之定制而軍國之重事也 祖宗叅酌古制定為
春蒐講武之法垂訓子孫思慮周脩矣新進儒生以為
國君遠稼之舉每請傳行大臣亦或有請傳者予以
祖宗成法不可廢而不從矣曩歲當講武之期予適病

不得親行欲命將代行大臣議以為兵權授之將臣不安於義故寢之今年凶荒太甚予恐懼姑停秋等講武而明春講武亦欲停之以休民力頃者兵曹請曰大事

不可再廢予亦以凶荒之歲益修武備非常之道也故

姑從其請諸事欲務從簡約國君一動其弊必多矣世

子職在撫軍欲令世子代行如此則不廢重事而供費

必減庶乎兩全擬議以啓領議政黃喜等啓曰兵權不

可授之世子且今年凶歉請停之

上從之

並東閣雜記

公天姿雄偉稟性寬仁深沉有度寡於言笑喜怒不形居

家清儉自守不事產業身為首相而蕭然如書生

公在政府二十四載務遵祖宗成憲不喜紛更處事循理規模遠大綱舉目張事無不治從容靜鎮得大臣體自太宗至世宗眷倚甚重事無大小以至官闈之密苟有難斷必召咨之公片言以定既退未嘗言所議於上者世宗每稱公識局宏深善斷大事至擬之著龜權衡時或有獻議更廢舊制者公必曰臣之慶通凡有更制不敢輕議持論平恕而及議大事面斥是非毅然不可奪異議者愧屈人皆倚公為重年至九十聰明不少衰朝廷典章經史子書若燭照美數論者稱我朝賢相必以公為首而勲業德量比宋之王文正韓忠獻

云

並保間齋申
叔舟撰墓誌

黃翼成公喜度量寬洪有大臣之體居相位三十年享年九十論決國事務從寬大平居淡如雖兒孫童僕羅列左右啼呼戲謔略不呵禁或有挽胡批頰者亦從其所為常引僚佐議事方濡筆書牘有童奴溺其上公無怒色但以手拭之而已其德量如此

華苑
雜記

黃翼成公寬弘大度不拘細事年高位重愈自謙抑嘗坐一室終日無言互開兩眼看書而已室外霜桃爛熟隣兒爭來摘之公緩聲呼曰勿盡摘之吾亦欲嘗之少焉出視之一樹之實盡矣每晨夕餐飯群兒來集公陰飯

與之叫噪爭食公但笑而已人皆服其量

慵齋叢話

黃翼成公喜常

世宗朝為首相幾三十年喜怒未嘗一

見於面遇童僕有恩未嘗加以箠楚所幸侍婢與小奴戲謔甚狎公見輒笑嘗語曰奴僕彼亦天民豈合虐使之也至為書以遺其子孫嘗獨步園中隣有狂童投石有梨方熟零落滿地公大驚呼侍僮狂生謂呼僮必拿吾輩去也驚惧皆走匿暗中潛聽之侍僮至則曰將柳毬來器來則曰將梨以與隣生竟亦無一言

李文康公石亨壯元及第直拜正言授刺於公公出綱目通鑑一帙命文康書題目俄而有一惡婢持小餌倚公

進俯視文康謂公曰將進酒公徐曰姑安之婢更倚立良久屬報曰何遲遲也公笑曰進之既進之則有小童數輩皆藍縷跣足或挽公髻或踏公衣盡攫其饌而食之且毆公公曰痛矣痛矣小童者皆奴婢之兒也並青坡劇談

黃翼成公喜為相金宗瑞為工判嘗會于公庭宗瑞令工曹酌脩酒果而呈之喜問脩出何處下吏對以工曹判書慮日晏諸位虛賜暫使公脩耳喜怒曰國家設禮賓寺於政府脩者為三公也若虛賜則當令禮賓寺脩未矣何以私自公辨乎欲入啓請罪諸宰救之乃止致宗

瑞于前而峻責之金相克成以此事啓於經席曰大臣

當如是可鎮歷朝廷也

東閣雜記

黃翼成為首相將詣政府有一老翁衣裳藍縷曳杖而前
字翼成而謂曰戒今要見而來君何往乎公駐車荅曰
適有公事不久當還君到吾家討飯姑留翁至公之家
謂公之子弟曰爾爺令戒到家候之作飯而來如其言
饋之俄而公還與翁同入一室偃卧數日爾汝相語其
所論議之為何事則雖家人子弟亦莫知也翁將去謂
公曰近患糧饌俱罄君可周乎公略以數種置諸橐令
丘吏擔持從翁所往而與之翁渡露梁至冠岳山底迤

遷而上至腹間丘丈曰汝朝食乎曰未也翁曰前途尚
遠不可不食而行仍指山下人家曰彼家之主與之素
厚汝往以吾言求必厚飯之我姑坐此樹下待汝之還
矣丘丈至其家傳翁之言其家叱曰所謂翁者誰歟汝
何為者而求食於我乎舉杖逐之丘丈茫然還至翁之
所留之處則翁與所攜之物皆無有竟莫知所往也

昭代

料言

孟思誠 文貞公

字

新昌人高麗典校副令希道之子至正庚

子生辛禡十二年丙寅登科入戒朝相世宗
官至左議政辛亥卒年七十二

公誠孝出天十歲能盡子職母喪水漿不入口者七日及

葬廬墓啜粥三年植栢墓前有豕觸而枯公痛哭翌日

豕為虎所殺人以為孝感

三綱行實

公為大司憲朴公安信為持平韜平壤君趙大臨不啓而
拷訊之上大怒載二人于車將戮之于公失色無言
朴公意氣安閒略無惧色時獨谷為左政丞輿疾詣闕

極諫

上亦霽威竟赦而不誅

禮聞
瑣錄

上曰太宗實錄垂成予欲觀之右議政孟思誠曰實錄

所載皆當時之事以示後世皆實事也 殿下見之亦

不得為 太宗更改令一見之後世人主效之史官趨

懼必失其職何以傳信將來

上從之

國朝
實錄

王半車等乞受許和教旨而還 上議於政府六曹承文

院提調曰下教旨無前例禮曹若兵曹議政府承教移

牒何如孟思誠等曰今來人心誠市通書則不可過具

錄請書之意絀曰汝等自構釁端不得已注討如其改

心納款則必當待之如舊以此禮曹承教移牒無害於

義自今其來朝者與子牙八侍者並皆許之今年時宜

上姑從愚誠等議

青坡劇談

世宗嘗駕幸東郊返致讓寧大君設宴慰之翌日兩司論其不可又於常叅日極論之時公與刑曹叅判申槩入侍而默無一言法司請依律科罪上留中仍命思誠就職公啓曰政丞長百官人不得以間之然後可謂能

盡其職今被臺劾不可就職

上不允

東閣雜記

公之家甚狹小兵曹判書以稟事進去適值驟雨處處漏下衣冠盡濕判書還家而歎曰相公之家如是我何以

外行廊為我遂撤方構之廊

潛谷齋錄

公親省溫陽注米時不入官家常簡僕從或騎牛陽城柝
城兩倅聞公下來來候于長好院見騎牛過去之人使
下人呵禁公曰汝以溫陽孟古弗言之其人歸告兩倅
驚惶走出吊墜於崖下深淵後人名曰斥沉淵

公自溫陽還朝中路遇雨入于龍仁旅院有一人騎從甚
盛先處樓上公入處一隅登樓者是嶺南人也欲為錄
事取才上來也見公招與共登論談博戲且約以公字
堂字為問答之言終公問曰何以上京公其人曰錄事
取才上去堂公笑曰戒為公差除公其人曰嚇不堂後
日政府之坐其人以取才入謁公曰何如公退伏而對

曰死去之堂一坐驚怪公以其實言諸宰大笑公以為
陪錄事賴公之薦屢典郡縣後世稱之曰公堂向荅

潛谷

舊錄

孟惠誠為世宗朝政丞清潔簡苦不事生產飲食常以

孫米一日家以新米餽進之公問曰何處得新米來夫

人荅曰孫米甚陳久不可食故借於隣家耳公惡曰既

爰錄當食其孫何事於借

奇遵戊寅記聞

孟文貞公清簡端重在相府持大體年庚子嘗因歲托癸

卯契一日在上前上問公年有幾文貞對以庚子朝

退契中以非同庚點之一時博笑

文貞性解音律常執一笛日弄三四報閉門不接賓客有
稟事令人開門引接夏則坐松林冬則坐房內蒲茵左
右無物他稟事者去即閉門稟事者到洞口聞笛報則
知公之必在也

華苑
雜記

丞相少時曾以享官齋于昭格殿假寐之際夢有皂隸傳
呼七星入矣公下庭祗近六丈夫已入茅七人則獨谷
成相及公獲罪將殉于市賴獨谷諫救之力得免於死
平生事獨谷甚勤受後難雨雪過祠堂必下馬

懽齋
叢話

趙涓 良襄公

初名卿後改涓漢陽人洪武甲寅生十三中高麗進士壬申戒太祖開國卽位為雲鈞之任太宗朝策佐命功臣拜工曹判書封漢平府院君官至右議政世宗己酉卒年五十六

定宗卽位命公領六十餘人與太祖替卽時心腹十餘人入侍除通政中樞院右承旨賜良馬寶鈿

太宗與公親愛甚薦登寶位封佐命功臣丁亥拜資憲大夫都摠制己丑上以公德威兼全除吉州道安撫節制使領吉州牧旌鎮朔方公至朔方野人果入寇乃勦

除巨魁擊却之威振北方 上特遣使宣醢仍留宣化
公自幼年受職列位廊廟不殖貨財不慮家事無有見貶
歇祿矣己酉九月得疾歎曰無復得見 天顏戒命盡
矣

公天資明敏風采照耀為臣 四朝皆得寵遇

並潛谷
舊錄

李季良 文肅公

字巨卿號春亭密陽人洪武己酉生高麗辛禍十
一年乙丑登第入戒朝太宗七年丁亥魁重
試官至贊成

公自幼聰明絕人好學不倦以研窮性理為務游牧隱圃
隱三峰陽村諸先生之門得師友淵源之正所聞益廣
所造益深行狀

李季良語李善曰自古政權兵權不可兼任一人兵權宜
在宗室政權宜在宰輔今鄭道傳趙汝南閻等既專兵
權又掌政權實不為可太祖聞之怒曰此數人皆戒

服眩終始一心者如或可疑誰可信者為此言者必有

一也並

命流之

紀年通攷

時有建議以海青進獻請免金銀者上王曰海青得之

最難且日食一雉調養亦難又不調馴或時逸去則鷹

師尋捕闌入村落侵擾為民害予欲悉放之卞季良曰

殺下此言可書史冊垂法萬世

日月錄

世宗六年上召卞季良曰民間生業之艱難徭役之煩

苦卿其逐月作圖仍述警戎等語以進

命卞季良撰箕子碑立其祠

並記年通攷

禮曹判書卞季良啓曰殺下命除諸道進膳其謙謹之

意則至矣然人主一身 宗社生靈之所托奉養調護
不宜不謹 上不允

上論宋朝名臣事蹟示季良對曰溫仁謹厚司馬溫公為
最先儒以王安石為小人之才者也

上曰向者大臣請復立號牌之法 太宗亦已行之以民
不願罷之今若復行恐民之怨咨也不季良曰為一邑
之主則當知一邑之戶口為一國之主則當知一國之
戶口為天下之主則當知天下之戶口大抵民之願惡
不可苟逆令民憚號牌者欲脫漏戶籍規避賦役耳號
牌之法宜當舉行

上聞晉州民殺父瞿然曰此予否德所致也向者許稠每
以上下之嚴分勸我我聞而嘉之今果然矣遂召群臣
議所以褒孝悌尊風俗之方卞季良請廣布孝行錄等
書使閭閻小民尋常讀之使之駸駸然入於孝悌禮義
之俗乃命楔循改撰孝行錄以進

初鄭道傳鄭拯等修史因李穡事仁復所撰金鏡錄撰之
道傳以元王以下事多潛擬稱宗者書王稱節日者書
生日朕則書予詔則書教乃多更改以沒其實是非出
於愛惡善惡謬於舊史河崙獻議於朝稽舊史就加筆
削未訖而卒上命柳觀與卞季良讎校觀欲倣朱子

綱目編之季良欲仍道傳等所改頒失當時之實史官
李光齊等曰官誦雖皆當時之制稱制稱勅亦不可沒
實雖曰正名分當與春秋郊禘大雩同垂以為鑑我何
可更改季良不以為然

並國朝
實鑑

予文肅公性執宣德年間賀白雉表詞中有唯茲白雉之
語文肅曰茲者且中行諸公曰不屬上句為中行文肅
固執之語公曰且取 旨 世宗是諸公之議文肅復
啓曰耕當問奴織當問婢 殿下為國若鷹犬宜問文
孝宗輩至於詞命當倚任老匠不可輕許他議 世宗
不得已從之

筆苑
雜記

典又衡二十餘年事大交隣詞命皆出其手

興地
勝覽

許稠 文敬公

字仲通河陽人高麗恭讓王庚午登第八戎朝

相世宗官至左議政配享世宗廟庭

太祖元年禮樂散逸太常職廢許稠為奉常丞務去因循
盡遵典故權近丞相稱之曰異日典禮我國者必此人也
當為第一

太宗八年世子禔朝京師許稠以書狀行李之事一委糾
察約明令嚴衆皆提縮不敢犯凡事涉制度悉書而來
道謁先聖廟見董仲舒許魯齋從祀楊雄被黜建白施

行並記年
通攷

公以臺官坐言事出補全州判官及吏曹正即有闕太

宗閣官案指公名曰此人可合遂除之

東閣雜記

知寧越郡事郡俗為父母只行百日喪公諭民以禮勸行

三年喪惡需率多助之遂成厚俗

輿地勝覽

除許稠世子右輔德先是拜文學上曰僚友孰賢世子

舉稠以對至是世子聞之謂左右曰許文學復來耶蓋

素憚其嚴也

十四年遣許稠巡視平安道山城復命啓曰講武雖不

敢廢馳騁險阻危不可言願勿親獵仍流涕極言講武

場猥多之弊上嘉納之

以許稠叅贊議政 上王謂 上曰斯人真宰相也嘗侍

豐壤離宮

上王前呼稠柱肩謂上曰此予柱石也稠

驚感傾潯

並紀年
通攷

時修勤政殿叅贊許稠啓曰初構之時凡殿于丹墀 太

祖務從儉約願

殿下勿令侈羨上有好者下必有甚

焉者

上曰丹墀用金子亦以為太侈即命董役官勿

用

世宗謁文廟禮曹判書許稠言臣謹稽古制唐用韡祀謁

先聖韡祀雖不詳其制疑即今之絳紗袍也上曰絳紗

袍臨群臣之服豈可服此謁先聖乎我將服衮冕以謁

御便殿視事叅贊金漸進曰 殿下為政當一遵今上皇帝法度禮曹判書許稠進曰中國之法有可法者有不
可法者漸曰臣見 皇帝親引罪囚詳加審劾願 殿下效之稠曰不然設官分職各有攸司若人主親決罪
囚無問大小則將為用法司漸曰萬機之務 殿下豈
自撓攬不可委之臣下稠曰不然勞於求賢逸於任人
任則勿疑疑則勿任 殿下當慎擇大臣俾將六曹委
任責成不可躬親細事下行臣職漸曰臣見 皇帝成
斷莫測六部長官奏事失錯即命錦衣衛官脫帽曳出
稠曰禮貌大臣包容小過乃人主之洪量今以一言之

失誅戮大臣略不假借甚為不可漸曰時王之制不可
不從 皇帝崇信釋教故中國臣庶無不誦讀名稱歌
曲者其間豈無儒士不好異端者但仰體 帝意不
不然稠曰崇信釋教非帝王盛德臣竊不取漸每發一
言支離煩瑣怒形於色稠徐徐折之色和而言簡 上
是稠而非漸

並國朝
實錄

世宗曰予聞中朝士大夫進退 帝前絕無悅伏之禮公
對曰中朝之事則天下萬機皆決於 帝人眾事煩未
暇為禮經曰元首最性我股肱情我是誠嘉言也 上
曰然君而親庶務則有司皆待決於上而必生怠惰之

心矣公又曰昔太宗欲本國女服悉從華服臣啓曰臣昔赴京過闕里八見孔子家廟見女服巫像與本國無異但首飾異耳事竟不行中國之禮安可盡從乎

舊唐書

舊唐書

上曰功臣當太祖太宗忌辰就寺社設水陸本足忠

厚之意恐違禮經吏曹判書許稠曰水陸本是非禮之

正制設神位於下壇尤為褻慢祭祀之禮各有定分

截然不可磨踰古禮文庶不碍祭先祖大夫不碍祖諸

侯安有以一時私意僭禮犯分之理上從之

集賢殿上書言守令六暮之不便上不允初久任之議

起於河嶠然未得建議施行常自言 大明專以久任
官職維持天下領議政府事柳廷顯禮曹判書許稠亦
嘗勸 太宗立中外久任之法 太宗亦嘉納其言而
未卽從之及 上卽位廷顯稠每勸 上行之至是稠
為吏曹判書 上遂決意立法而中外喧然皆以為不
便或言不可變 祖宗成法或言有戾於民或言官制
紊亂或言養親久闕或言子女婚嫁失時 上皆不聽
上謂政府六曹曰今年夏罹旱暵冬值愆陽十二月乃歲
冰之節氣暖如春又昨日大霧靜思殿愆實由寡人顓
聞謹言以答天譴許稠曰天之譴告實由人為近日天

氣不調臣恐禍亂之作已兆願 殿下惟日戰兢

十二月大雷電以雨 上曰今雷電失時天之譴責深矣

許稠曰冬月雷電古亦有之然未有今日之甚也 殿

下軫慮太甚臣及恐憂勞成疾

上聞晉州氏弒父瞿然曰此予否德所致也向者許稠每

以巖上下之分勸戒我聞而嘉之今果然矣

並國朝寶鑑

上將討滿住也衆皆以為當討許稠獨曰此輩徭強一與

之讎世立報復不可輕舉後因邊將之策 上欲招撫

忽刺野人稠曰獷俗喜人怒歟谿壑無厭不可招撫皆

不允

以許稠復判吏部稠累典銓事鑑裁公明閑節屏跡孝順
忠賢之後率先甄錄或謂烏有孝順若是之多耶公曰
聞雖有暇不已勸俗乎上嘗引問群臣賢否一時聞
人多其所舉

並紀年
通致

公守法剛正人不敢干以私每遇父母忌必服母夫人手
縫幼年所衣碧色小團領流涕以致齋公兄周以判漢
城府事致仕公每政府合坐鵲鳴而必詣之必屏胸誕
于洞口下車步入判府亦知公必至每夜正衣冠張燈
設坐倚床以待公之至至必設小酌公徐問曰今日府
中有某事何以處之判府曰以某之意理當如此公嘉

而退曰人樂有賢父兄此之謂也

青坡劇談

公之兄周仕官至判書有家法祀事一從朱文公禮子弟有過必告廟罰之嘗病不能躬行祀事使文敬攝之少變改舊例判書聞之曰支子於宗家擅變舊例是無宗子也怒而不見且使閹者拒之文敬惶惧曉往其門坐到日晏不得通夕又往又到夜深如是者累日方許接

見家法之嚴蓋如此

筆苑雜記

世宗朝申商為禮曹判書許稠為吏曹判書申日中而往日則而還許侵晨而往日沒乃還一日許先坐曹聞申到南宮未幾還出許令人往告曰何晚仕早罷申大笑

曰大人早仕有何加益之事余雖晚仕有何加損之事
不如各弄掌而已申臨機善決許勤苦刻行所性不同
也

許文敬公操心清厲治家嚴而有法教子弟皆用小學之
禮毫忽細行皆自謹人言許公平生不知陰陽之事公
笑曰詡訥從何而生時有欲革州邑娼妓之議命問
於政府大臣皆言革之可當惟未及於公人皆意其猛
論公聞之乃笑曰誰為此策男女人之大欲而不可禁
者也州邑娼妓皆公家之物取之無妨若嚴此禁則年
少奉使朝士皆以非義奪取私家之女英雄俊傑多陷

於羣臣意以為不宜革也竟從公議

許文敬公稠簡嚴方正公廉清勤動慕聖賢鷄鳴鹽櫛冠
帶正坐終日不見惰容唯屹屹常以國事為念言不及
私論議國政自信獨守不與人軒輊時稱賢宰相家法
亦嚴子弟有過必告祠堂罰之奴婢有罪按律治之
公自幼銷瘦如削肩輦偃偻嘗判禮曹定上下服色儀制
截然有分市井輒薄者深疾之號曰瘦鷹宰相蓋鷹肥
則羸去瘦則思搏翕也

麗季倭寇充斥以其沿海四面無置鎮防守處也自太
祖開國以後於海澨要害之處皆置萬戶營以水軍處

置使領之由是倭寇稍息其後倭亦作梗世宗命三
軍屯對馬島雖不得大捷而倭亦畏威不敢肆有倭數
戶欲居三浦世宗嘉其慕義而許之許稠江諫曰倭
奴不臣不叛其心難測豈可使鱗介之胡間我衣裳之
人後日生齒事繁當為國之巨害臨卒亦再三陳啓請
及未盛而刷還之當其時人皆以稠言為尋常而不甚
駭至今三浦有蔓延難圖之弊然後服其先見之明也

並痛齋
叢話

許文敬稠官太宗伯時為其外孫女擇婿嘗陞四學試諸
生於南學得廣陵李克培而妻之文敬居茅在南部傳

之廣陵其行廊蓋以草至廣陵不復改葺二公清德可

敬也其第今為柳相公壙宅云

月汀漫錄

許丞相綢對業元生夜半偷兒入其室盡輸家貲丞相不

寐寔然若泥塑人盜去良久家人始覺追之無及頗恨

焉相公曰賊之有甚於此者來戰於心何暇警止外賊

乎先輩克已之功如此學者所當法

靜菴集

許文敬公稠求得陳友諒子陳理家廟神主式假作尺本

又於議郎姜天靈家得絕本周尺乃其父判三司使姜

石茅有元院使金剛所莊象牙尺所傳也面書云神主

尺定式以令官尺去二寸五分用七寸五分即與家禮

附註潘時舉所云周尺當今省七寸五分弱之語同二分相較不差尺於是始定尺制凡士大夫家廟神主與天文漏器道路里數射塲步法擬此以為定式後司譯判事趙忠佐赴京買得新造神主來復以此較之寸分相合今我國所用周尺與中國同無訛矣

華范雜記

許誦者故相綱之子事雖不係於丙子其抗節抱冤大畧相符故南孝溫六臣傳與為七臣世家忠孝表父事母色養世宗朝二十餘年謹身守口仕文宗官稱其職

文廟昇遐顧命大臣皇甫仁金宗瑞為首相輔幼主
綱為右叅贊光廟以首陽大君赴京誦請曰方今

梓宮在殯少主當國大臣未附百姓孤疑公子為國宗
臣去國將何之 光廟不從而心偉其說癸酉 光廟
密與韓孽韓明澮定謀靖亂誅金宗瑞于其第領議政
皇甫仁吏曹判書趙克寬等皆死詔以前請傳赴京之
詔得免召入行酒樂作宰相鄭樛趾韓確等拊掌喧笑
詔愀然不樂亦不肉食 光廟問曰何故托以祖父忌
光廟知其意而不問之已而梟宗瑞仁等首于市誅
其子孫詔曰此人胡大罪至於梟首孥戮乎且詔與宗
瑞交道未孚其心未可知若仁也詔平生審知其人萬
無謀逆之理 光廟曰汝不食肉意固在此對曰然朝

廷元老同日盡死詔生且足矣又從而食肉乎即流芳

光廟怒甚然猶愛其才德不欲置之死事李甸力諫
謫外而竟縊殺之自此人等之死朝廷盡廢矣初詔之
拜承宣也人皆來賀稠獨有憂色人問之稠曰天道滿
招損稠無功德於世而位極人臣子又承宣許氏之禍
無日矣詔死而許氏等皆禁錮其言果驗

日月錄

[illegible]

趙末生 文剛公

字平仲號華山一號杜谷楊州人洪武庚戌生

太宗元年辛巳登恩科丁亥重試歷兵曹判書集

賢殿大提學官至領中樞院事 世宗丁卯卒年

七十八

太宗十一年 御經進講孟子至有事君人者事是君則

為容悅者也曰臣之事君禮也其曰事君則為容悅也

何也趙末生對曰臣之於君陳善閉邪匡救其失職也

一以事君為心見君之失而不言則是阿徇以為容逢

返以為悅者也 上曰然

禮曹上元會樂章次第以夢金尺受寶籙為首 上謂承

政院曰夢金尺受寶籙是夢與圖識之說耳豈可為樂

章之首右副代言趙末生曰麒麟之生異於犬羊神人

之生異於常人故美稷之生者曰履帝武敏歆義契之

生者曰天命玄鳥降而生商受寶籙夢金尺寶 太祖

受命之符也以為樂章之首未為不可

並國朝寶鑑

黃海觀察使報節制使李思儉等候賊于海州近平串為

賊所圍賊語之曰我非為朝鮮來向中國仍絕糧至此

若給之當退思儉乃遺米五斛酒十瓶又遺米四十斛

乃解去 兩上石柳廷顯朴嘗趙末生李明德許稠等

議乘虛殄滅對馬島邀賊還之策皆曰不可乘虛當待
賊還而攻之宋生獨曰可乘虛攻之上王曰若不掃
除每被侵擾何異漢主之見辱匈奴乎不如乘虛伐之

佔俾齋
羹尊錄

對馬島倭犯邊上王遣三軍都體察使李從茂將三軍

往征又命兵曹判書趙宋生致書諭都都熊尾曰本
朝奉宣旨若曰古昔帝王奉若天道教民稼穡樹藝五
穀以養其形因其固有之義理而開導之以淑其心若
有強梗不率殺越人于貨賈不畏死者小則刑戮大則
征伐克舜三王君人之道如是而已對馬為島隸於慶

尚之雞林本是我國之地載在文籍昭然可考茅以其
地甚小又在海中阻於往來民不居焉於是倭奴之黠
於其國而無所歸者咸來投集以為窟穴或時竊發劫
掠平民孤寡人妻子焚蕩人室廬竊凶極惡積有年紀
惟我太祖康獻大王以至仁神武應天革命凡有血
氣者莫不懼伏于斯時也命一偏將珍璵對馬之小醜
有如泰山之壓鳥卵責育之搏嬰兒我太祖乃敷文
德載戢威武示以恩信予紹大統克承先志益申撫恤
雖或間有草窳不恭之事尚念都都熊瓦之父宗貞茂
慕義輸誠犯而不較每接信使館為以留仍命禮曹厚

加慰勞又念生理之艱許通商舶慶尚道之米粟運于
馬島者歲率數萬餘石予之用心蓋亦勤矣不意忘恩
背義自作禍胎爰命遣將領兵船進圍其島以待降附
令其島人尚且執迷不悟予甚憫焉島中之人訴不下
數千思其生理良用惻然島中之地類皆石山未有肥
衍之土稼穡樹藝無所施功但欲乘隙竄發盜人財穀
耳蓋其罪惡貫盈坐則天地神祇默降殃禍明則良馬
大輶水陸之脩甚嚴焉往而不遭誅戮之患哉只有捕
魚買賣乃為生理所資而今已背恩負義是自絕之矣
非予先有絕之之心也夫此生業不免飢餓坐待餓死

而已若能幡然悔悟卷土來降則其都都熊瓦錫之好
爵頒以厚祿其代官等亦當優恤其餘群小並囑吾民
一視同仁俾知盜賊之可恥義理之可悅若猶懷草窳
之計仍留于島則當大脩兵艦厚載糧餉環島而攻之
歷時既久必將自斃若又精選勇士十萬餘人面面相
攻則非中之物進退無柰靡有孑遺而陸為烏鳶之食
水充魚鼈之腹也無疑矣古人有言曰禍福無不自已
求之者又曰十室之邑必有忠信今對馬一島之人亦
皆有降衷秉彝之性矣豈無知時識勢通曉義理者哉
兵書其移文對馬島諭于至懷開其自新之路俾免滅

此之禍以副予仁愛生民之意令錄宣旨遣人諭意惟

足下患之

國朝寶鑑

[illegible]

韓尚德

字尚敬之弟高麗辛禡十一年乙丑登第八
戒朝歷知司諫院事代言官至漢城府尹

太宗九年上御廣運樓知司諫院事韓尚德進曰舜為
聖人卑陶以無若丹朱為戒唐太宗亦英明之主魏徵
以無若隋煬帝戒之今臣亦以無若辛禡為戒殿下
久不聽政臣意謂未寧也上曰予當此節每發眼疾
今年亦然尚德曰事大以誠御寇以威號為太平然願
常自敬畏明四目達四聰進賢退不肖安不怠危治不
忘亂則今日之治三王可及上欣然曰三王安可及

我尚德曰 殿下正心誠意與天地合其德毋曰予不
敏焉則能及古之聖矣尚德出 上曰韓尚敬言甚切
至其茅亦然自予卽位以來諫官進戒未有如尚德也
他日視事尚德又進曰今當炎夏氣失其調天久不雨淒
風如秋臣未知君德之失歟時政之爽歟 上曰政事
闕失諫官宜自知之尚德曰命令之出政府奉行臣等
雖或有聞事已施行前日請屬諫官于政府以此也
上問故事如何黃臺曰國初李文和尹忠修皆以諫官
兼經歷 上曰此非義法經歷雖重任宰相屬吏君上
之動靜政令之得失皆得規正者諫官也以諫官兼經

歷非所以尊朝廷重諫官也尚德又曰近者臺諫俱以
言事罷黜非惟罪止其身鞠問相與論議之人是以士
林相戒不過諫官之門又曰殿下言動之間政教之
施無可規者然不曰政以治民已安每當清燕請自警
省曰所存之念何者獲戾于天所行之政何事見拂於
民非惟俱其已然亦常慮其將然則裾患可消古昔聖
賢莫不如此上曰昌言也尚德猶不退上曰復有
所言乎尚德曰去歲凶歉人不聊生柳迂顯在忠清道
厚欽督責重困百姓臣等既已劾問適經赦宥未得請
罪臣聞傳曰與其有聚斂之臣寧有盜臣自今觀之盜

國財似重歟民財似輕古人垂戒其旨深矣 上曰代言
言在予左右尚且不言予何從知之即命都堂覈實以
聞

十一年 上謂議政府六曹曰今國家無事予當沍寒每
日視朝欲與卿等克勤無怠韓尚德對曰勤政帝王之
美德宴安古人之所戒雖無事每日視朝誠美法也
上謂代言等曰大學衍義為書德刑先後之分田里休戚
之實尤其要者也乃命右副代言韓尚德大書殿壁使
群臣觀之

十三年 上謂代言韓尚德曰刑房之任至重卿其慎之

對曰 殿下代天理物賞罰宜無一毫差謬臣亦夙夜
敬謹猶恐一夫無辜獲罪以累 殿下好生之德 上
曰予若誤斷卿其直言無諱

世宗七年 上曰往昔太平之時尚有挽裾切諫者今雖
少康不及古必矣未有敢言面爭者何今人之不如古
也 上又曰漢宣帝內則吏民安外則匈奴稱藩後之
議者以為基禍之主宋安石為相自以為輔國安民神
宗亦勸精圖治而未免後世之譏可不懼乎韓尚德曰

殿下今日之言實

宗社生民之福也

並遺事

李孟昀 文惠公

字 韓山人牧隱穡長孫洪武辛亥生高麗辛
禍十一年乙丑登第入戒 朝官吏曹判書右贊
成集賢殿大提學

李公孟昀學問精深筆跡高妙有韓山稼牧風位至貳公
晚節以非罪蹉跎且無後嘗有詩云自從人道起於寅
父子相傳到此身戒罪伊何天不吊未為人父髮絲新
有轆軻不盡之意人皆曰伯道無兒天道未可知於文

惠亦然

筆苑
雜記

李公孟昀承籍世業有文名尤長於詩嘗作悲松都詩云

五百年來王氣終
蹂躪難搏鵬竟何功
英雄已逝山河在
人物南遷市井空
上苑鶯花微雨後
諸陵草樹夕陽中
我來此日偏多感
往事悠悠水自東
夫人妬悍搆家患
公因此得病竟流寓
而卒茅孟畛官至判中樞
其子謀

亂伏誅

懣齋叢話

李從茂

字

人

太宗朝叅

功臣封長川君

世宗朝以都體察使討對馬島有功官至贊成

永樂己亥五月倭寇庇仁又圍節制使李思儉于海州近
平串 上王及 上召柳廷顯朴嘗趙末生李明德許
稠等議乘虛殄對馬島以邀賊退皆曰不可末生獨曰
可 上王曰若不掃除無侵被擾後日之患庸有極乎
卽命公為三軍都體察使將下三道兵艦二百艘以領
議政柳廷顯為三道都統使 二上幸漢江亭北餞之
賜鞍馬弓矢衣笠及靴公率九節度二百二十七艘卒

一萬七千二百八十五賫六十五日糧到對馬島棄賊
船大小百二十九擇可用二十艘餘皆焚之又焚賊戶
千九百三十九斬首百十四擒二十一口擄中國男婦
百三十一送顯遣從事趙義昫自馬島來告捷三品以
上諸壽康官賀公佐船豆知浦復火其戶六十八焚船
十五斬賊九級獲漢人十五本國人八至尼老郡令三
軍分道下陸欲與一戰左軍朴實敗績收兵還上船右
軍李順蒙金孝順等力戰拒之賊乃退戒師戰死及墜
崖死者百數十人中軍竟不下陸都都熊尾奉書乞退
師公引舟師還泊巨濟以公為贊成順蒙等皆陞職

崔潤德 貞烈公

字 歙谷人莊公雲海之子登武科 世宗朝
討李滿住有功官至領中樞府事配享 世宗廟
庭

公生而母卒父雲海鎮邊不能舉托養于同隣楊水尺家
稍長膂力過人挽強射堅時隨水尺出獵所獲實多一
日牧山中有大虫瞥出林莽中畜奔散公騎驍馬一箭
斃之來報水尺往見乃大虎也水尺異之家君出鎮合
浦水尺以公往謁譽公不已家君曰當試之及與較獵
公左右馳射發無不中觀者嘖嘖稱羨家君笑曰兒手

雖敏尚未識軌範兒今所為乃小虞技耳不可謂之長

技乃教射御之方遂為名將

華苑雜記

永樂己亥倭寇庇仁遣李從茂崔潤德等率舟師討之斬

獲甚衆捷至

上玉下書勞之

紀年通攷

自閭廷之變

上留意邊事屢聚武士觀射後苑將討野

人命群臣議可將三軍皆曰潤德將中軍於是潤德

為平安道都節制使

上引見賜鞍馬弓矢

日月錄

公以二相兼平安道都節制使安州牧使公務之暇治廳

後隙地種瓜手自鋤之有訟者不知是公乃問曰相公

今在何所公始曰在某所入而改服聽決焉有一村婦

泣而曰虎殺妾夫公曰吾為汝報仇跡虎手射之剖其腹取其骨肉支節裹以衣服脩棺埋之其婦感泣不已

一州之人至今慕之如父母

青坡劇談

婆豬江野人李滿住等犯邊掠殺軍民

上遣崔潤德往

征之

國朝寶鑑

崔潤德會諸將今日有違主將條令者當以軍法從事無忽其條令臨戰麾而不應者聞鼓不進者不進救將帥者漏洩軍情者發妖言惑眾者告大將斬失其牌而從他牌者亡章者喧嘩者罰五中失三人者罰不欠牌頭者入賊里令前收拾財寶者斬入賊里老弱男女勿輶

雖壯者降則勿殺行軍險阻忽遇賊人止而擊之角報
其軍諸軍角報主將退壯者斬勿殺雞犬牛馬勿焚家
舍大抵攻伐之法以義誅不義改其心而萬全義也若
有侵殺老幼要殺唐人欲釣軍功者犯千條令者並依
軍法施行越江時須要伍十次茅上船無得輒爭違者
論罪

崔潤德遣崔致雲啓曰今承內傳伏審正討婁豬江野人
發軍三千臣竊惟虜地險阻每於所經要居須留兵守
險臣心竊計一道自滿浦一道自碧潼共向元刺等處
一道自甘洞向馬遷水柵等處東西齊舉臣則欲自小

甫里向叱納奴林哈刺居處須用萬兵乃可 上引見
曰初與群臣議軍數或言七八百或言一千紛紜甲乙
終定三千予以謂少也朴好問亦言當不可萬今觀上
書果然召政府大曹及三軍都鎮極議之或曰應加五
百或曰加一千或曰不必加議論不一致雲啓曰潤德
言初來時只欲攻叱納奴哈刺等若得精兵一千足以
辦事今更患之自馬遷至凡刺等處野人散居山谷難
犬相聞若擊三部落則必相救援成敗難知古人有動
大眾而為小寇所敗況大軍固難再舉每一二落各遣
一軍則彼將自救不暇不能援他人矣故非萬兵不可

上曰然致雲曰潤德言黃海之兵遠赴則疲弊不可
用平安之兵幾至三萬不必黃海之兵 上曰然問曰
潤德欲於何時舉兵致雲曰潤德計端午時賊俗相聚
為戲草亦長但慮雨水待二十四五日欲舉事仍啓曰
潤德言詎討之日宜寫彼人罪名張榜而還 上命安
崇善與判承文院事全聽草榜文以送兵曹啓自募赴
征人如能立功者開良則賞職鄉吏驛子則免役官奴
則免賤以賞功

潤德自所灘下時番洞口過江住師江邊有四獐自投營
中營軍獲之潤德曰獐野獸也今自来見獲實野人殲

滅之北也至魚虛江邊留兵六百設柵十九日昧爽攻
林哈刺察里仍住營屯納奴寨里皆遁去見江邊虜十
餘輩出射德潤令通事馬邊者呼語之曰我等行兵行
兵只為忽刺溫非為爾也毋忍虜皆下馬叩頭遣兵命
義奉箋賀又遣朴好問啓曰宣德八年敬奉符教將討
婆豬江寇送至左符叅驗發兵敬此卽發馬步兵一萬
黃海道軍五千四月初十日會江界府分屬諸將七道
俱進本月十九日諸將潛師勦捕擒男婦二百三十六
名斬獲一百七十名得牛馬一百七十餘頭戒軍戰死
者四人中箭者五人上賜明義好問衣各二領遣宣

慰使朴信生至軍賜酒勞諸將 宣旨曰今日之事實
賴天地 祖宗之靈以至於此非予所敢當也還師之
日宜有報復其生擒人除老幼外丁壯悉斬之沿江等
處益謹守禦

崔潤德等班師 命知申事近慰以捷音布告中外賜諸
將職賞有差設宴榮之 上謂代言金宗瑞曰卿記去
年之言乎與卿曾言潤德可為首相然其任至重不可
賞戰功也今潤德雖有戰功若無才德斷不可受也予
先後取舍如此卿具陳此意於大臣懇議以啓大臣皆
曰潤德公廉正直勤謹奉公雖為首相無愧也 上曰

予意如此而大臣之意亦如此其代權軫之職以潤德
為右議政 上御勤政殿宣慰潤德等及將吏分賜尚
衣院靴令服以赴宴 上親執爵賜潤德等又 命
世子行酒仍 命潤德勿起受酒 命軍官相對起舞
潤德亦酒酣起舞

上謂羣臣曰攻戰之後守禦不可不嚴閭閻防禦水陸
雖云不緊然野人心懷報讎計出不測不可不慮欲以
右議政為都按撫察理使等城設柵以固疆圉何如盧
閑安純許稠曰平安人民受獎多端今當農月別無措
置至秋而遣亦未晚也秋七月 上御慶會樓餞都按

撫察理使崔潤德及諸軍官等又命知申事安崇善
餞于洪濟院

崔潤德遣朴好問啓曰野人到江界言前日送還被虜人
滿任喜甚我輩家屬若生好乞相見於江邊云今沿邊
防禦軍馬疲極且欽差奉勅而來俘虜中一二人或八
送或送江邊相見以遂彼歸順之心上令好問還諭
潤德曰今野人乞還妻孥且使臣出來沿邊防禦南道
兵限水合之後以慈山以南兵伐之並事難遠度臨機
措置

賜崔潤德書其若暴露卿奉國忠勤宣勞中外以廟堂重

臣出鎮藩垣威敵鎮遠以紓予憂深用嘉之屬當嚴泛
之時慎興居之節令還內官嚴自治錫宴以勞仍賜永

一襲至可領也

並日
月錄

宋希美守慶源陞軍法賜死其死也路經青坡崔政丞潤
德與宋有舊脩酒果相屬而永訣曰毋傷公法當死况

人生會有一死吾亦朝夕當從公耳

青坡
劇談

[illegible]

國朝名臣言行錄前集卷之四

盧開 恭肅公

字有隣交河人洪武丙辰生十六補從仕郎 太宗
甲申為吏曹典書己丑妻弟無咎等罪謫職居楊
州十四年召還 世宗朝復漢城府尹陞右贊成乙
卯拜左議政癸亥卒年六十八

永樂癸未兼判閤門事 上慮監司守令或有不法遣公
廉問下三道時海濱造戰艦久役未罷復 命召對極
諫後卒疾苦之狀 上憂色曰孰與秦皇隋煬之暴乎
公免冠頓首曰臣受 命歷三道沿邊之困無大於此

故昧死以陳且秦皇隋煬刻舟則有矣豈有羅困之虞而遣使問民者乎 上笑曰卿冠無謝

壬子拜右贊成時欽差內官昌盛尹鳳等連歲去來徵索無厭少有不副輒加侮辱 上命公館伴公和顏正色言出有章動合情理雖昌盛狂威不得妄肆大夫人王氏年已八十有疾公力請辭職就養 上曰隤接王人非卿不可 命盡則仕賓館夜許歸家侍母

乙卯拜右議政兼判兵曹事夫人聞氏入謝 上曰非予私恩乃 太宗遺教也

公身長九尺狀貌魁梧不苟言笑自少經濟自任不親家

事及其為相務存大體不事苛故未嘗有違世矯俗之行
廉風峻節土芥金玉出於天稟嘗謂人曰人生仕已
出處皆天也仕出何欣已處何戚當順受無慕

並潛谷
舊錄

公以前議故每歲時則來賀立於閭門之下身長九尺丰
頤秀賴霜髯殊爽風彩凝重望之如泰山喬嶽即之如
熏風潤雨蓋公立朝謬謬謀謨建議不為群語所動至
於開誠布道善與人同知無不言獻可替否納君德於
無過措國勢於太平則茫然以古之賢輔者而自期當
是時人知公之為一代名相而不知公之有至德孝義

至於如此

金守溫撰
盧思慎
孝思亭詩
卷後序



申槩 文僖公

字子格號寅齋春川人洪武甲寅生高麗恭讓王
庚午司馬兩場 太宗二年癸酉登第並授翰林
歷獻納吏曹正郎舍人甲午陞嘉善拜忠清道觀
察使 世宗歷黃海慶尚全羅三道觀察使藝文
館大提學贊成事己未拜相至左議政賜几杖丙
寅卒年七十三配享 世宗廟庭

公自幼巍然如成人早鞠於外姑元氏公年甫三歲窓壁
有畫墁元氏聚群兒詰之羣兒爭辨公獨言不指身長
長不言者果尺許元氏異之曰興吾門者必此寧馨也

公在諫院見事風生知無不言請行各品署謝之法物論多之時政府署事權在大臣公上疏極諫不可辭甚劉劫太宗親讀疏顧左右曰豎儒不識事體妄言大臣擅權公論下不屈大臣皆股慄未幾罷議政府署事

甲午元日

太宗宴

恭靖王于內殿賜大臣宴于政府

內宴已畢

太宗送恭靖王于閤門外政府方宴勅樂

輟徹

御所勅不敬大臣啓曰臣等蒙君之賜極歡為

榮諫官論以不敬惶恐待罪言頗侵公憲府亦以為不可上雖直公重違大臣遂適公職公以剛直屢折大

臣時論避之

上常曰槩有諫臣風

婆豬江野人李為住構邊釁朝廷方議處置公上疏請伐

備陳籌策

上深嘉納之

並徐四佳居
正撰行狀

申稟上言曰凡為討罪得其渠魁廢無後患傳曰去草不
去根終當復生往年止注將帥惟以多殺為功其所殺
掠率多老幼非唯遺厥渠魁亦且不及壯勇故其小醜
至今為梗今又不得其魁則其怨益深其謀益急收集
散亡卧薪嘗膽勢將復振或授深處野人哀鳴交結引
誘鄉導其為邊患殆甚於北胡之勢無滿住一人則一
境晏然矣既得其魁則勢似破竹或降之或殘之一朝
事也其他叱紬奴輩螻蟻耳誘之則可以歸服討之則

易致殲滅不足患也伏望明勅將帥以得賊魁者為上
功其他或平人老幼者不以為功期於必得賊魁與子
孫茅伍如其一舉不得則必當登時累舉窮追擒殺滅
其種落然後已以張國威以寧止胡且將士奮功專在
賞罰擒殺賊魁者賞罰陞五等得子茅者四等得壯勇
者三等得平人者驗人數差等陞擇驍子監漢公私賤
口有殊功者免役賞職輒與其財產如臨戰應賊進退
坐作一乖所令則當於軍前殺之無赦以此再諭主將
明立賞罰宣令軍士使之人百其勇爭奮竭力而赴關
亦得魁之一助也

上見李藏書 命都承旨辛引孫左承旨金墩就賢成事
申際茅密議際上十二條 上曰可遂命草事曰諭李
藏曰此胡之事專委於卿當擇道內精兵或百數或千
數搜其賊穴或踈或數無時遣兵渡江而入或徧山野
如將致討彼必廢農脩禦之不暇彼集其兵戒便罷兵
如此之久彼必懈怠我潛襲庶可得之矣予欲於草木
未衰便於飼馬之時始發兵以行鄉意謂何深入致討
餘在田之禾燒登塲之穀毀其廬舍俘獲牛馬則戒雖
不見一虜而還其亦可矣彼知我騎之相繼橫行窟穴
近地則必畏懼不自安矣矣暇侵戒乎卿以此條件反

覆思之詳悉密啓

並朝野
記聞

世宗在位三十年勵政圖治制禮作樂修文偃武朝廷大
治公在政府上方銳意貢法等城募民之事機務甚
衆屢召公內殿論事公應對詳敏議論精切上皆倚
任眷注日隆舊制三公押班開斥贊成以下不與至是
始命贊成三公有故代行又遣承旨就第論事蓋寵
之也

公天姿明敏學問精詳端方有守清介無華自筮仕脩歷
中外居官莅事施無不可在臺諫封章抗疏有古爭臣
風位長六卿政務寬簡持大體入政府孜孜以國事為


心朝度暮思獻可習否有大建白言聽計行貢飭太平
公之為相可無愧於古人者矣

公居家廉潔閑節不行平生未嘗佞佛喪祭一遵家禮待
親戚故舊出至誠僕隸有過不加鞭笞雖出子茅未嘗
見其疾言遽色嘗書言忠信行篤敬小心翼翼對越上
帝十四字示三子而教之曰爾輩且當服膺勿失余非
曰能之但士君子之心當以此為的耳

公為文高古簡潔不喜詞賦自立朝以來疏章奏議前後
數百無點綴皆切時務但為功名政事所掩人不暇譽

矣

並行
狀



河濱 文孝公

字淵亮號敬齋晉州人洪武丙辰生 太祖五年

丙子登第官至領議政 端宗癸酉卒年七十八

配享 文宗廟庭

知安岳郡事勤於勸督等迺春亭比月亭大樹亭魚躍亭

筆峰亭每循行田野自製農謳數闋以勸之

輿地勝覽

丁酉擢拜同副代言 太宗執公手曰卿知所以在此乎

公對以未知 太宗曰曩卿在臺獨奏克揚憲職予於

此時乃知卿也 世宗受內禪拜知申事公小心謹慎

周旋其間 兩上際遇交隆賞賜稠重


癸卯拜大司憲彈擊士夫人貪淫者惡浮屠與同僚上疏
曰瞿曇棄君父辭爵位歷代酷信廣立精舍施土田納
臧獲中外分屬田一萬一千一百餘結同胞赤子未免
餓殍遊手緇流又何給田以優其養乎 上是其議京
外只留三十六寺餘罷之

公事父母甚孝二親年俱八十凡所以悅親心者靡所不
至作俱慶堂歲時佳節必奉觴稱壽措紳菜之至為歌
咏其事親沒居喪盡禮出入必告祠堂具慶堂蓋以茅
茨歲如修葺改額永慕子侄請易之以瓦公歎曰先人
舊居豈可改也亦足以使吾後世法先人之儉也

並潛
谷舊

公謚居常着烏紗帽去軟角焚香端坐終日吟哦為詩奇
僻近古筆法遒勁得體嘗言少時在春坊作詩手寫之
河浩亭歎曰河文學作而河文學寫亦一人間寶玩也
公勤學好問慈惠愛親早年出入園隱之門恬簡剛明風
儀端雅一以古人自期扶正道興斯文為已仕平居鸛
鳴鹽節正衣冠向閑而坐手不釋卷左右圖書淡如也
文孝公行薦至至為首相雖庶務叢萃隆寒暑而必拜家
廟出入必告希孟時或在門石令同拜曰亦汝祖先也

並晉陽
聯稿



權弘 文順公

字

判漢城府事權弘上言箕子之賢天下萬世所共敬慕吾
夫子嘗言殷有三仁為戒東方禮樂文物倖擬中華者
以箕子受封於此而施八條之教也其有功於東方甚
大 太祖開國首載祀典所以尊崇先聖者至矣然而
墓無碑記無以顯揚功德乞令文臣撰碑樹之墓下以
詔後世 上乃命叅贊卞季良撰碑樹于祀下
國朝實錄
權文順公弘早以文翰著名尤工於篆隸位至極品嘗卜
宅南山陞鑿礎池種蓮幅巾藜杖逍遙自適洒然若神

仙其書

獻陵碑篆成均館碑甚好
虛上言請立箕子

祠碑言頗得體

筆苑
雜記

尹祥

字實夫醴泉人洪武癸丑生初名哲壬申進士改
名祥 太祖五年丙子登第授善山尚州牧授知
金山大丘郡事後為大司成官至藝文提學 文
宗初致仕還鄉 世祖乙亥卒年八十三

公生有美質聰悟迥出及管鄉役雖在劇務不輟吾伊退
食往還必取松明藏諸官廨密處以為夜讀之資

大東
韻玉

特授大司成以儒生遊山被劾然待儒生無異平昔 元

孫八學特 命為博士士林榮之

公為胄監之長諸生爭先握衣繚分縷析耳提面授終日

矻矻不知倦一時達官聞人皆公弟子也國朝以來為

師範之最並潛谷舊錄

文宗初致仕還鄉令所居官月致食物退老宰相致食物

自此始

並潛谷舊錄

公經學精甚誨人不倦凡居國學十六年累遷至藝文提

學年七十八退老于鄉學者雲集

佔俾齋彙尊鄧

公居田野教授子弟憲府啓曰前提學尹祥氣力尚健聰

明不減復致國學教授儒生下政府寢其議潛谷舊錄

公資稟純篤學問該通其於義理之精微多有所自得故

能奮興於鄉曲而用儀於朝著處胄監前後二十餘年

提撕諺掖至老不倦師道尊嚴陽村以後一人而已

公為文章平易簡當乍見若質俚而細玩之卓有趣味皆自六經中流湊而成同時挺身比如金樞府末金司成泮金文長鉤經術則可謂流亞而文章則不能與之爭

衡為真所謂兼人之德之才者也

並金文簡宗直撰文集序

朴安信 貞肅公

字

尚州人後改名安臣

太祖二年癸酉生

負壯元

定宗元年己卯登第官至藝文大提學

公器度寬偉嘗為持平與大司憲孟思誠鞠平壤君趙大
臨不啓而拷訊 太宗大怒載二人于車將戮之於市
大憲面有黑色蒼黃同措公若無惧色擧名而呼曰汝
是上官戒是下官今作死囚豈有尊卑我嘗謂汝有志
操何惟恟如是汝不聞車轂之轉轉乎謂羅卒曰取瓦
片來作詩以磁矢畫而書之曰爾職不供甘受死怨君
留殺諫臣名瞋目語微吏曰以是上聞否則我為厲鬼

爾屬無唯類矣 太宗聞而震怒河崙成石磷權近等
力救得免杖流遠方

奉使日本還寓海賊賊抽刃攔入船上劫掠行具人皆搖
手不得公踞胡床不動從容指揮賊畏不敢近一行賴

以安全

並潛谷
舊錄

公子以昌少儻不務學父母戒之不從命科期已迫不
得已入場為壯元由是勵志意登第為翰林初入者謂
之新來侵困為端公不勝憤怒自升其座時人謂之自
許免新 文宗朝以聖節使赴京還到新安館宿夜半
拔所佩刀刺項及腹幾死書狀官李翊聞之即往見公

謂翊曰老臣本無汚名庶幾盡忠當初糧米欲只將定
數通事輩咸曰今適霍霖八八站遇水災滯於中路糧
盡則必餓死請加齎吾果然之遂賫四十斗而往將欲
啓達貳犯邦憲將何面目以見 聖上亦何顏更見同
列大臣乎及覆息之不若自盡之為愈也又云到義州
此計已定然護送唐人頗多不可使聞於彼人到此至
於如此耳 上傳于攸院曰以昌必慙犯法以至自刎
予心惻然萬里辛勤之人予初不欲遣人拿來眾議強
請勉從之到今追悔不已其致奠賜豆米梓櫛使臣赴
京時西路多給輶糧至有致富者公嘗於奏事之際極

陳其獎適多脩而行事覺將推故遂自決云

潛谷
舊錄

尹淮 文度公

字清卿茂松人洪武庚申生 太祖二十 癸酉

司馬 太宗元年辛巳登第歷吏曹佐郎藝文應

教承政院代言 世宗朝陞集賢殿提學 世子

右賓客典文衡丙辰卒年五十七

公生而穎異始習語桐軒悉以文字教之年甫十歲遍誦
通鑑綱目稍長凡於書無所不讀聰明強記一經於目
終不遺失

公少時有鄉里之行暮投逆旅主人不許宿逆於庭畔主
人兒持大真珠出來落於庭中旁有白鵝即吞之俄而

主人索珠不得，怒公竊取縛之。朝將告官，公不與。卞曰：「云彼鵝亦繫吾房，明朝珠從鵝後出。」主人慙謝曰：「昨何不言？」公曰：「昨日言之，則主必剖鵝覓珠，故忍辱而待。」

甲午，國家以公私奴婢爭訟難當，積年不決，人多冤滯。為設辨正都監分房，釐之。公為茅十房，以理明允，案無留牘。人無隱情。時有兄弟相訟，其兄不勝，訴憲府。諭曰：「尹公素行正直，見事明審，必無枉其兄。指天誓曰：『枉則尹死，無枉則我當死。』俄而出，未及門而暴死。一府驚異之。」太宗狩近郊，世宗近于絳楊坪。諸宰樞代言皆侍。太

宗親賜公卮酒，顧世宗曰：「通古達今，命世之才也。」

公性儉素常衣弊衣一日在政院醉睡同坐者毀汚公衣及醒戲曰君豈貧者也公曰天性也亦不以介意太

宗聞之笑曰質厚真人也

並行狀

公嘗侍宴

太宗前倚之曰卿予之柱石也

東閣雜記

上命汰冗官所汰者甚衆朴嘗議汰諫大夫一員已啓矣尹淮謂元肅曰冗官固當汰然可汰而未汰者尚多諫官豈冗官乎昔宋仁宗慶曆間銳意圖治增置諫官四員史筆書之以為盛德且前朝官制諫官凡十四員今以七人已為省矣又欲減其一無乃不可乎上新即位首省諫官後世以為何如元肅以啓上深以為然

後之

上嘗問於尹淮曰吾欲使儒生分受諸史而讀之淮對以
經學為本不可專治史學上曰吾於經遂問以左傳
史記漢書所記古事或不能對博觀古事以備顧問不
亦可乎遂命鄭樞趾等分讀諸史

並國朝
寶鑑

公文章冠一時世宗朝獨對經幄然性喜酒過量一日
在家沉醉大卧世宗遣中使急召左右扶起上馬宿
醉未醒人皆惧之及至上前送容數對略無醉色
上命草宣制揮翰如飛皆合肅旨上曰真天才也
時人語曰文星酒星聚精生一賢也

公及南集賢秀文皆能文章而性喜酒常飲過度世宗

惜其才命飲酒無過三爵自後凡宴會二公必飲三

大椀名雖三爵而實倍飲於他人世宗聞而笑曰予

之戒飲適所勸飲

並筆苑雜記

十七年上命尹淮權蹈楔循聚文臣四十餘人于集賢

殿撰資治通鑑訓義上親加讎正或至夜分謂淮曰

近日看得此書頗覺讀書有益聰明日增眠睡頗減也

同朝寶鑑

公素患風痺強疾監修通鑑訓義世宗銳意校定辨問

相繼應答隨口不藉按考諸儒仰聽而已凡閱兩歲功

未訖而卒

狀行

南智 忠簡公

字 在之孫以門蔭仕 世宗朝不次超遷歷

持平掌令開城府留後慶尚道觀察使大司憲刑
曹判書襲封宜城君己巳拜右議政壬申卒

公自為小官有膽志為司憲府持平時都承旨趙瑞老有
帷薄之誚無敢先發公曰吾能為之一日早赴朝忝率
所由二十餘人先至待趙入令所由盡綁其丘史無一
人遺者即於朝房鞠問云汝公某日逞何處宿誰家其
丘史皆對以實又執其奸家嫗口鞠之不能隱其情
英廟朝方重奸法遂廢趙為廢人

河文孝公演為慶尚監司聞南智新授都事憂之曰此年
少闕閱子必不事事吾其奈何南初至謁入座公欲試
之乃執難判公事卷宗付之曰君試剖柝來乃退使人
察其所為方與客叟飲于帳中公歎曰果如吾所料明
日南酒醒起披卷宗一過以爪甲畫標進于公曰某字
失當改某字錯當辨公不覺驚服自是款待特異後河
在相府而南及登相位河曰監司非急足幾為都事所

踰

並護聞
鎮錄

河政丞演按節嶺南時公佐幕其相得河偽為公所幸晉
山妓書以寄於公曰妾比來有胎氣患喫酸物云而其

日遙封進黃梨河便謂公曰黃梨封餘甚多無乃有族
親可送處乎公曰某有從姑在河命禮吏唯亞使所用
復為公寄妓書并梨以致妓公皆不知也行到晉山妓
謝公以惠梨厚意公閱所寄書驗之皆偽然後知河所
弄也一日河坐嘉石樓謂公曰吾州之山川形勢自以
為甲於東方公曰形勝則然矣只有好事品官耳蓋河
本晉人也後以右議政陞左議政公以判院事為右議
政肅拜之後直造河宅迺入及戶顧謂公曰首領官老
監司萬一蹉一足不可說也云

青坡
劇談

公龜亭公長孫議郎公之長子生而神異不肯示人以能

讀書七行俱下過目不忘不屑科舉未嘗入科場而自
少人皆以公輔期之蒙遇世宗大王超擢不次倚任
甚重文宗大漸受顧命輔幼主多所建白適移疾
家居而平其功烈德業今雖未詳而名臣之多用捨之
當莫盛於世文之際而當此時位百僚之上受六尺
之托則其為人可知也

事實

西河君任公子深嘗與申高靈崔寧城謁安平大君燕語
適右相南公智八刺諸人趨避大君留之佐酒時大君
方與右相議婚右相曰某有息女貌醜不堪為貴家婦
請閱視大君曰采女親擇宮禁之事予敢僭耶相君安

有是言婦之妍醜吾無介意南曰請一老青衣就見吾女恐有悔言大君不聽唯_レ而飲酒酣起曰有一事請耳陳焉適見河陽瞽者金鶴老其人善卜言戒家休咎盡驗云君之二女皆命隻難過一生者也恐以是為累長女婦臨瀛大君令守寡此其享也安平笑曰相君何信巫卜之言殊非大人非妖說之意南即曰諾寒族連姻王公誠為多幸但薄命之女貌又不揚慮有後言今蒙大君意確何敢辭避貧家謹辨粒奩以俟是年秋安平之子友直娶右相女明年壬申右相得風疾瘖不豫事又明年安平被罪南以姻婭不逮者以其病也殆

天之為而金亦善卜哉南以友直故闕贈典

設聞
瑣錄

有文武官妻同里聞武官能制室人常加毆打文受制室人常被毆打隣里常稱武官為大丈夫文官為非丈夫南政丞智曰男子之被毆於婦人聞之則懦弱患之則非惡德男子之加手於婦人聞之則嚴斷患之則非義

德

太平
閑話

姜弘淑希孟訓子說曰丁卯登第詣南政丞智於私第議政教曰君毋怪姪發此言也人心甚惡聞人之惡猶恐不揚聞人之善惟恐不蔽筮仕之初持身最難而世族之子為尤難寒門冷族復有豪橫人皆曰彼有何恃而

敢為此歟三失也後人始疑之世族之子則人以為彼
必恃此而橫也彼必挾此而矜也人心已疑而一犯嫌
疑則駟不及舌惡名流布安得家至暴白歟此世族之
子尤難於立名也今君年以占科魁人之一可疑也連
世相門之裔人之二可疑也派連戚里人之三可疑也
君有三可疑之勢而少有不謹則隨其所失以為酗酒
也以為耽淫也以為驕人也惡名一加孰肯保君之不
為耶此反不及寒門子茅廬也慎之吾聞命而退誦為
終身之計今當得意處未嘗不思此訓也

洪惟我 世宗大王是東方聖主也用人之規惟賢惟才

不問其類南智出自門蔭而以黑頭拜三公

栗谷疏

許誠 恭簡公

字 稠兄周之子 太宗壬申登第官至吏曹

判書典文衡

經筵講通鑑至唐環卒其子丁憂帝命近臣往其第傳起復之命近臣還奏曰某袞殿同極臣不敢傳命也恭賀官許誠曰近者起復之命非一臣恐此命屢降則朝士之短喪者多而下之視勅者亦逆風而靡矣 上曰今後自非大臣能為有無者勿令起復

國朝寶鑑

公性執嘗為吏曹判書奉公守正闕節不到族人干請有請必反其意有一朝宦例遷當補外寄請宦南道乃授

平安道邊郡一文士請為文官華職乃授外教授興德寺僧一雲權詐多智欲住衡俗寺誣曰聞西道永明寺山水之勝欲往一住若住衡俗吾事去矣數日批下雲住衡俗雲大笑曰老賊已墮吾術中

華苑雜記

許大提學誠無曰貪位慕祿老而彌銳為人嗤笑曾不省悟可笑之甚也以吏曹判書丁憂終制而拜本職一日忽覽鏡愀然不樂仍授鏡曰吾不知吾老之至此也辭

職不出年六十餘

青坡劇談

朴堧

字 永同人 太宗 年登第事 世宗官至

中樞院事

公有孝行且精於鐘律 世宗製雅樂公實主之

輿地勝覽

世宗十五年朝祭始用雅樂初高麗睿宗時宋徽宗賜祭
樂鍾磬各一架琴瑟笙等簫管等各二部紅賊之亂散
失殆盡有老伶人將鍾磬二器投池中得存 太祖高
皇帝 太宗文皇帝皆賜樂器笙磬不中律祭樂八音
未備當祭磬用瓦磬鍾亦雜懸不具其數乙巳秋祔禘
生海於州丙午春磬石產於南陽 上慨然有葺古更

新之志乃命朴堧造編磬取南海州秬黍積其分寸
依古說制黃鍾一管吹之其聲差高於中國黃鍾之音
因古前賢之議曰地有肥磽黍有大小聲音高下代各
不同陳陽亦云不如多截竹候氣之為正然我國地偏
東極與中土風氣頓殊雖以候氣乃用海州秬黍粒形
似燐燃成差大積分成管以一粒為一分累十粒為寸
法以九寸為黃鍾之長三分損益以成十二律逾月製
新磬二架以進曰今造磬形樣一依中國磬音則中國
之磬雖賓其報反高於林鍾夷則同於南呂應鍾下於
無射當高者反下當下者反高恐非一代制作之弊若

依此製法無諧協之異故謹依中國黃鍾之聲以製黃
鍾之管因以損益以成十二律管吹之以收律以此而
定上命取新磬二架大明所賜磬一架簫管方響等
器以新製律管協之上曰中國之磬果不諧協今新
磬得正報音清美制律較音出於意表予甚喜焉但庚
則一枚其聲不諧何也頃即審視曰限墨未盡磨也卽
磨之墨盡而聲乃諧磬成之後命頃專掌之朝祭之樂

始脩矣

國朝寶鑑

世宗始制樂雅朴中樞贊成之每坐卧手於心肖之間為
戛擊形囁於口吻之中為律呂聲積十餘年乃成世

宗深倚重之

筆苑雜記

朴大提學頌遇知於世宗遂加擢用為慣習都提調專

掌樂事世宗嘗作石磬召提學校正提學曰某律高

一分某律低一分更視之則高律有查滓泥世宗命

剔滓泥一分又於低律更付查泥一分提學啓曰今則

律正矣人皆服其神妙

脩齋叢話

魚慶甲

字子先本江陵人後為咸從人洪武辛酉生太
宗八年戊子壯元及第初拜校書校理進入集賢
殿歷吏曹佐郎藝文應校以直提學退歸于鄉屢
召終不起

魚慶甲將赴殿試大提學鄭以吾偶夢得詩云三級風雷
魚慶甲一春烟景馬希穀雖云對偶元相敵郝及龍門
上客名慶甲果擢壯元

魚慶甲自左正言出為忠州判官時公之父淵以前河陽
監務置散公上疏陳情請代已職太宗許之陞淵二

階除本職

並東閣
雜記

先時臺諫將李居易父子事上既論駁舉司見罷公亦抗
疏極論語甚剴切太宗覽既曰某以昨日把冊書生
何能知國家事如此其詳也是國家大事明日與諸大
臣議之汝姑退竟罷之十一年秋獻納有關銓曹注擬
以入太宗不用其擬曰有魚某在可授之遂招拜司
諫院右獻納知製教蓋庚寅之疏太宗雖不聽用亦
心記之也

十三年秋除尚州儒學教授官公勤於教誨諸生全集十
五年秋左議政朴公嘗掌銓選啓曰凡為儒者率惓教

授之任。魚某以壯元及第，不憚就職，勤於訓誨，作成人才，宜速褒獎。奏待秩滿例遷。予上是之。乃授獻納。並行

狀

公為獻納同列，將上疏論劾。鷄林府尹尹向而事涉暖昧，公不署名，曰：「吾於其時適在尹公所，詳知此事，豈敢

虛捏以陷人乎？」遂奮袂而起，坐罷。

東閣雜記

公欲辭職而歸，而親聞之，馳書固禁曰：「如此明時，立揚顯親，乃真孝也。況吾等無恙，慎勿辭退。以此及復教戒，故公未敢辭歸。」

世宗好學，崔文初置集賢殿，欽選文學之臣，以充其職。十

八年春以進朝散拜集賢殿應教兼藝文應教知製教
經筵檢討官二十年冬加奉列遷直集賢殿俄兼
世子右文學蓋進八東宮僚屬也二十一年春改世
子左文學夏兼春秋館記注官纂太宗實錄也

二十二年春製闢佛疏與同僚共上上覽既曰辭甚當
理夏代言金赫啓曰藝文應校去官時拜三品古也如
臣輩終經數年亦加三品况如魚某者至六年之久而
未陞三品實為未宜上可之遂拜集賢殿直提學
狀

公與申楷甚友善相約曰吾等事君盡忠為得名遂須歸

養老親及入集賢殿

上恩稠疊未忍遽離輦下常恨

歸養之晚母歎曰事君日長事親日短及得腰下纁溫

之衣卽呈辭願就家鄉浴溫泉治病上教政院曰此

人終必用然既欲理病安能止之待病差速啓之公乃

行至昌寧家作詩曰謝病歸來一室幽荒涼草樹舊池

頭若余豈避功名者只為慈親不遠遊公既辭歸父母

俱存兄弟無故朝夕甘旨日以娛悅親心為事朝議惜

其行議授金海府使不起又以知司諫微之竟不就以

終後申穡累官忝判謂公之子翰林孝瞻曰余與內翁

密約歸養乃翁能決然而歸余則負約多慙

東閣雜記

題本家壁上曰歸來捷息地環堵而三間風雨茅瓦話晨
昏父母顏門聽雉澗水樓對四牕山只要君臣義休官
諒不難此即公之志也

行狀

權贊成疑謂人曰我國辭爵祿者止二人許判漢城周典

魚某也

東閣雜記

鄭陟 恭戴公

字明之號整菴晉州人洪武庚午生太宗八年戊子司馬甲午登第世祖朝出按湖西官至判漢城府修文殿大提學成宗乙未卒年八十六

授校書正字兼承文博士上特命篆進太上王大妃

大帑寶及日本國通信圖書父病賜藥給馬而送之

前此國恆所用梓宮臨時取辦公請豫造壽宮朝廷是

之始建長生殿仍使公廣取黃腸木監造壽器大恤之

制始無憾矣

並潛谷
舊錄

公性恪清介自守朝廷儀禮多所擬議

輿地
勝覽

正統己巳北虜也先侵犯北京廣寧遼東等處朝貢道路梗滯人皆憚行鄭知院陟差聖節使毅然無難色拜辭之日命世子別慰以遣遂聞皇帝已陷虜庭京城被圍衆俱欲遷延陟前進不顧及入京城新皇帝已

卽位矣既朝見向北行聖節賀禮如儀

東閣雜記

公性至孝鞠望必奠於家廟所得異味節物受賜魚肉亦必先薦之世祖引見教曰父王嘗以清直二字許卿

言猶在耳目賜衣馬

潛谷
舊錄

安止 文靖公

字

號臯隱康津人

太宗十四年甲午登第

丙申重試官至領中樞院事典文衡

公為集賢大提學時方文士趨付安平大君獨不能致公
屢折簡邀致或書屏簇以寄之則曰大君簡何可遙答
當親謝謁云而竟不至一日諸文士有製述爭其高下
曰此老當知之為往質之公故以高者下者為高諸士
相笑曰此老衰耗 衷心不足較遂絕追請

光廟卽位甚重之以閑粹史事公為提調不免論貶于全
羅道本貫康津縣下諭監司每進膳封餘必賜公受答

而答

一日朝叅

上至御座而申文忠韓忠成諸公不及班乃

進謝曰適有友自遠方至共訪款懷不覺晚到死罪

死罪上問曰遠方之友誰耶對曰安止上喜曰吾

亦欲見火急召來當為此人設宴即令進豐呈終日歡

洽命陞秩策政

並搜聞
預錄

金鉤 文長公

字直之牙山人 太宗十六年丙申登第官至判

中樞府事

金泮

字詞源號松亭江西人 定宗元年己卯登第官

至大司成

金朮

字 義城人 太宗十七年丁酉登第官至判

中樞府事

金文長公鉤金文長公朮金大司成泮皆博通經史尤邃

性理之學同時進授胄監誨人不倦成有効人稱曰三

金而泮先逝兩金皆年八耄位躋一品俱謚曰文長謚

法博聞多見曰文誨人不倦曰長其得此謚宜矣

華苑雜記

金鉤為人醇謹精通經史尹公祥懸車後舫長成均館訓

誨不倦時人以為博聞過之

佔畢齋彙尊錄

金公泮受業於陽村精於經書在館職四十餘年名士多

出其門嘗奉使朝京有求題魚龍簇者題云誰區輟綃

幅風濤雲霧濛錦鱗毓碧海神物上青空潛見形雖異

飛騰志則同若為燒斷尾攀附在天龍中朝人目為燒

斷尾先生歸老江西朝夕不給而卒

潛谷舊錄

吾友文化金氏子曰泮好學能文有志於道者也予之忝
贊議政也泮錄拾詳事言行端謹職務勤恪予固愛之
未幾以親老乞隣郡出宰鉅化視事之暇泮來定省吏
治既修子職無曠及見代來京又泮予讀禮其志不安
於小成也又書予所著禮記戎見錄累月不急逾久彌
勤予益重之一日請字予曰古者朋友字之是予之責
也夫泮諸侯之學也以是名之是有志於學也學貴乎
得其本源學記曰三王之祭川也先河而後海或源或
委也是謂務本是使學先務用力於本源也聖人之道
原乎洙泗派乎瀛洛蓋乎四海而朝鮮亦在東漸之內

其源雖遠其流一也苟溯而求之其源可窮沿而不止

河海之大亦可至也

植陽村近
著序說

臣所撰次禮記淺見錄本經正文及陳氏集說十六卷無

慮數百萬言今僭著先後次并附臆見之說亦不下數

萬言今蒙

主上殿下榮儒右文之治特命繕寫前教

授臣金泮前監務臣金從理等承命以浚早晨來至臣

家甫喻三朝俱以畢書其敬

上命勤謹不急誠可嘉

賞且泮精敏從理為實皆好學問孜孜無倦或任世務
皆可克堪伏望特下吏曹量宜注授以旌其勤以勸于

浚不勝幸甚

陽村集
薦書

金沫精於經學與尹公祥金公泮同在成均於經旨頗有

異同不相上下

佔畢齋
彙尊錄

金文長公末有一女無子嘗曰吾聞開千眼者得陰報予
自筮仕以來五十餘年未嘗不帶學官職教誨不倦卒
無後嗣豈非予荒蕪偽學未能德於人耶將終沐浴冠
帶執笏端坐家人痛哭公止之曰予位至一品官非不
達年踰八耄壽非不高生死常理得止而死豈非幸歟

尋卒

華苑
雜記



鄭甲孫 貞節公

字 東萊人 太宗十七年丁酉登第官至左

叅贊

公容貌雄偉身長美鬚髯量寬裕雖累世宰相而清貧苦
節家無所儲布衾蒲薦處之晏如也每慷慨直言不避
廉貪立懦朝廷倚以為重

公為大司憲吏曹議舉人注官 上御恩收殿受常叅河
相國演為判書崔公府為叅判俱入侍公啓曰崔府不
足數河演稍知事理用非其人請鞠之 上怡顏而解
之朝畢出外庭二公流汗翻漿公莞然徐笑曰各盡其

職非敢相害也遂呼錄事曰兩公迫熱汝可持扇賜之

雍容自得不敢有悔悞之意

並潛谷舊錄

公性不喜治產然客至不聞有無必設酌遇親戚無內外

嘗為承旨母夫人有所求力請書公固辭之夫人怒以

告判書

即公父欽之也

判書笑曰夫人毋怒縱渠謝之我獨不

可為乎其為大司憲也如僧尼左道惑世之流不得擅

出入京城屢以直言犯上朝中肅然

青坡劇談

公清直嚴峻子茅不敢干以私嘗為咸吉道監司被召如

京及還道見解榜子烏亦中為公奮髯怒罵試官曰老

奴敢狐媚戒乎吾兒烏業未精豈可僥倖欺君耶遂鉤

去之竟出試官

貞節為大司憲激濁揚清朝綱大振然寬厚持大體舊例公會臺諫必連幕而次或時飲酒捲帳相屬號曰捲帳飲若值酒禁臺諫執法不飲諫院飲醉自如一日諫官持盃引滿戲於帳隙示臺長臺長亦戲以袖拂之盃從帳隙中而墮園轉至於憲長案前諸始長惶惧無措臺吏亦相目未敢梓止終日在前臺中恐生事將仕羅貞節語吏曰彼如鵝卵者何物耶可容水精珠幾顆乎吏曰可容百顆貞節曰可從所出隙中擲之滿座皆服其雅量諫院相傳有盃形如鵝卵可容一升許水精珠化

禁而受者

並筆苑
雜記

崔致雲

字伯卿江陵人洪武庚午生 太宗八年戊子司

馬丁酉登第由槐院入集賢殿官至叅判 世宗

庚申卒年五十一

世宗十五年崔潤德正李滿住時請崔致雲為從事還陞
叅議俄遷左承旨有野人奉朝命來侵之謀國議無如
之何公曰莫如奏聞 上曰甚可方議遣使求之 上
曰無踰於卿即以致雲為工曹叅判翌日發遣既行朝
京蒙 帝允可受勅而還論切賜田五百結奴婢三十
口公固辭奴婢至七上幾令大臣議諸人皆謂三十口

奴婢償崔之勞且強與獨許稠曰此人非矯情辭賞乃
中心不願宜從其辭以成後日之名遂如許議還收奴
婢公到家欣然謂夫人曰今日得請矣夫人曰辭上
之賜無福哉

世宗甚重崔致雲時省召對論議有大事必與公議公
性嗜酒上患焉每賜御札以戒之遂以札粘壁之
左右出入觀省然或出外吏飲大醉還家而倒則夫人
必擡其頭指壁而示之公乃於昏醉中搶頭於床如頓
首謝罪狀及醒則曰予感上恩戒之常在心但至酒
所逢場則頓忘前戒乃至於醉耳竟以酒病終踰五十

而卒 上其悼惜命官危其喪葬

並搜聞
瑣錄

上嘗命公註無冤錄又命講解律文凡斷疑刑必召公議

多所平反

潛谷
舊錄



